

ՓԸԿՎԵՑ ՍՈՎԵՏԱԿԱՆ ՀԱՅԱՍՏԱՆԻ 30-ԱՄՅԱԿԻՆ

ՆՎԻՐՎԱԾ ԳԻՏԱԿԱՆ ՍԵՍԻԱՆ

Նոյեմբերի 1-ին տեղի ունեցավ ՍՍՌՄ Գիտությունների ակադեմիայի Պատմության ու փիլիսոփայության բաժանմունքի և Հայկական ՍՍՌ Գիտությունների ակադեմիայի Հասարակական գիտությունների բաժանմունքի՝ Հայաստանում սովետական կարգերի 30-ամյակին նվիրված համատեղ գիտական սեսիայի վերջին նիստը:

ՍՍՌՄ Գիտությունների ակադեմիայի թղթակից-անդամ Վ. Ն. Լազարբեր գեկուցեց Վերածնության պրոբլեմի մասին: Զեկուցողը նշեց, որ ժամանակակից բուրժուական ուսակցիոն պատմագրությունն ամեն կերպ աշխատում է ժխտել Վերածնության պրոբլեմը, անտեսել կամ նսեմացնել Վերածնության շրջանի կուլտուրայի խոշոր պրոգրեսիվ բնույթը և նրա նշանակությունը կուլտուրայի հետագա զարգացման գործում: Դրանով իսկ բուրժուական, մանավանդ ամերիկյան գիտնականները բացահայտորեն բռնել են պատմության ֆալսիֆիկացիայի ուղին, որպեսզի կարողանան «հիմնավորել» հրենց ուսակցիոն, հակադիտական տեսակետները:

«Վերածնության պրոբլեմը Հայաստանում» զեկուցումով հանդես եկավ փիլիսոփայական գիտությունների դոկտոր Վ. Կ. Զալոյանը: Վերլուծելով հայկական Վերածնության շրջանի գաղափարախոսության տարբեր ձևերը, զեկուցողը նշում է, որ այդ շրջանի փիլիսոփայության, գրականության և արվեստի մեջ արտահայտվող գաղափարներն ու մտքերը հակադրվում էին հայ եկեղեցու դոգմատիկային և կրոնական աշխարհայեցողությանը:

Վ. Ն. Լազարբեր և Վ. Կ. Զալոյանի զեկուցումների շուրջը բացված մտքերի փոխանակությանը մասնակցեցին գրականագետ Ա. Կարինյանը և պատմական դիտությունների թեկնածու Բ. Առաքելյանը:

Հանրագումարի բերելով սեսիայի աշխատանքները, ակադեմիկոս Ե. Ա. Կոսմինսկին ասաց.

— Մեր սեսիան հանդիսացավ Սովետական Միության ուսակուրչիկաների գիտնականների բարեկամական, ստեղծագործական կապի փայլուն արտահայտություն: Թող այդ բարեկամությունն է՛լ ավելի ամրանա: Սովետական ժողովուրդների անխախտ բարեկամությունը, սովետական գիտնականների ստեղծագործական համերաշխությունն է՛լ ավելի է ամրապնդում մեր Հայրենիքի հզորությունը: Սովետական գիտությունն ամենաառաջավորն է աշխարհում: Ի տարբերություն բուրժուական ուսակցիոն գիտության, որը լրիվ ծախվել է իմպերիալիստներին, մեր գիտությունը, հավատարիմ մեծ Ստալինի հանձարեղ ցուցումներին, ծառայում է ժողովրդի շահերին, կոմունիզմի կառուցման գործին:

Կեցցե՛ք ՍՍՌՄ ժողովուրդների բարեկամությունը:

Կեցցե՛ք մեր մեծ առաջնորդ և ուսուցիչ, մեծագույն գիտնական Իոսիֆ Վիսսարիոնովիչ Ստալինը:

Սեսիայի հասցեով ողջույնի հեռագրեր են ստացվել ՍՍՌՄ Գիտությունների ակադեմիայի նախագահությունից, ինչպես նաև ակադեմիկոսներ Բ. Գրեկովից և Ե. Տարևից: